



13
1789
4



門 18
號 1789
卷 4



事物異名錄卷十

慈谿 厲靜菴先生荃 原鞞

仁和 關晉軒先生槐 增纂

禮制部

祭天 以下吉禮

大旅 周禮掌次王大旅上帝註祭於圜邱國有故而

祭亦曰旅

燔柴 爾雅祭天曰燔柴疏祭天之禮積柴以實牲體

玉帛而燔之使烟氣之臭上達於天因名祭天曰燔

柴

升中 禮記升中於天註中成也燔柴祭天告以諸侯

之成也

祭地

瘞埋 爾雅祭地曰瘞埋疏祭神州地祇於北郊瘞繒埋牲因名祭地曰瘞埋

祭山

旅平 書傳祭山曰旅平

度懸

爾雅祭山曰度懸疏度謂埋藏之大宗伯鄭註云祭山林曰埋是也懸謂懸其牲幣於山林中因名祭山曰度懸郭云或廢或懸置之於山是也

祭川

浮沉 爾雅祭川曰浮沉註投祭水中或浮或沉也

祭日

王宮 禮記王宮祭日也

祭月

夜明 禮記夜明祭月也

祭星

幽宗 禮記幽宗祭星也

布 爾雅祭星曰布疏布散於地似星布列也

祭水旱

雩宗 禮記雩宗祭水旱也又說文禱雨為雩禱

晴為禱

升 公羊傳疏患其雨多祭使上升故祭雨曰升

祭風

磔爾雅祭風曰磔疏磔謂披磔牲體象風之散物因

名云

祭先師

釋奠山堂肆考學宮時祭乃用釋奠奠置也言置牲幣之奠於先聖先師之廟也

時祭

祠禱嘗烝爾雅春祭曰祠夏祭曰禱秋祭曰嘗冬祭曰烝此四時之祭名也祠之言食禱新菜

可灼嘗嘗新穀烝進品物也皆周禮也

釋祭

彤復胙爾雅釋又祭也周曰釋商曰彤夏曰復胙

註祭之明日尋釋復祭也

道祭

祖說文道上之祭為祖又鼻名

輶正字通輶將行祭道神也周禮犯輶註山行曰輶犯者封土為山象以芻芻棘栢為神主既祭以車輶之而去喻無險難也

野祭

破散五代會要奉先之禮無寒食野祭之儀近代莊宗每年寒食出祭謂之破散

獵祭

事物異名錄

卷十

三

事物異名錄 卷一
貍臄 漢書音義貍以立秋日祭獸王者亦以此日獵
獸祭宗廟故曰貍臄一作貍劉又冀州北方八月作
飲食為臄其俗曰臄臄

雜祭

祓禊 說文除惡之祭為祓會福之祭為禊

除日送神

埋祟 夢梁錄除夕禁中呈大驅儼儀自禁中動鼓吹

驅出東華門外謂之埋祟

糝盆 月令通考除日送舊神焚松柴謂之糝盆

鼎

鼎 鈇 高 爾雅鼎絕大謂之鼎 圓 奄 上謂之

鼎附耳外謂之鈇 欵足者謂之高 疏此別鼎名也 鼎
最大者名鼎 體圓斂上而小口者名鼎附耳在鼎表
者名鈇 欵澗也 謂鼎足相去踈澗者名高
從彝 稗史類編鼎蓋古之祭物名曰從彝

簋

鬻彝 博古圖太師望簋銘曰望作鬻彝謂之鬻者鬻
訓煮熟食 簋盛黍稷惟熟然後可食也

俎

大房 詩籩豆大房 箋大房玉飾俎也

卣

中尊 爾雅卣中尊也

崩亡 以下凶禮

殂落 書帝乃殂落註死也魂氣歸于天故曰殂體魄
降于地故曰落 以下天子

晏駕 漢書宮車晏駕註天子當晨起方崩而稱晏駕
者臣子之心猶謂宮車晚出也

大行 風俗通皇帝新崩未有定名故總其名曰大行
皇帝

上仙 澠水燕談錄真宗上仙莊獻攀慕號切
賓天 上賓 齊東野語度宗賓天又東坡志林何述

言吾在儋耳 日忽失所在獨道服在耳蓋上賓也
按上賓猶賓天也亦可通稱

升遐 祭辛雜識度宗升遐賈相持喪起復辭免虛文

汨汨始無虛日

厭代 表異錄通鑑憲宗厭代之夕厭代猶云上昇也

本用莊子厭世語以文皇諱故云代

登霞 楚辭載營魄而登霞兮註霞與遐同猶云遠適

捐館

史記奉陽君捐館舍按顯仕者死曰捐館 仕人

不祿 禮記士死曰不祿 士人

反素 後漢書夫亡者反素復始歸於無端 以下泛稱

大殓 字典俗語謂死曰大殓

捐瘠 字典病死曰捐瘠 病死

鮮 左傳葬鮮者自西門註不以壽終曰鮮 惡死

大猷 死別典 谷謂謂曰大猷

永訣 正字通將卒與親知辭別曰永訣杜甫詩不忍

不便永訣 詩士衣日不煖

遺命 詩奉別 香曰曰

真冷 表異錄真冷遺命也莊子山木篇舜之將死真

冷禹曰戒之哉註冷曉也謂以真道曉語禹也

送死

易簣 禮記曾子曰元起易簣反席未安而沒

屬纊 禮記男女改服屬纊註纊綿也屬之口鼻觀其

動否以驗氣之有無也

居喪

宅憂 禮記書王宅憂按謂居喪也

讀禮 禮記居喪未葬讀喪禮既葬讀祭禮

子寧 山堂肆考父母亡子寧三年謂處家持喪三年

也

苦壤 陳書姚察傳察志在終喪頻有陳讓其畧曰臣

將畢志苦壤豈期朝恩曲覃 居喪所

棘人 詩棘人樂樂分 居喪自稱

覆面巾

面衣 正字通吳王夫差死羞見子胥以巾覆面今人

謂之面衣

事物紀原卷之七

棺

柩 禮記君卽位為柩歲一漆之藏焉表異錄棺之親身者為柩

櫬 樞 小爾雅空棺謂之櫬有尸謂之柩

壽器 漢書梁商薨帝賜以東園壽器

梓器 後漢楊賜傳賜薨贈東園梓器按梓器卽壽器也又名梓宮

題漆 正字通題漆漢梓宮註蘇林曰以栢木黃心致

累棺外木頭皆內向故曰題漆

永息菴 清異錄右補闕正已致仕預製棺題曰永息

菴

漆宅 清異錄余嘗臨外氏喪見漆工髹裹凶

器曰隨身富貴只贏得一座漆宅又蘇禹珪薨何登

撰板文曰漆宮永闕沙府告成

樽檟 漢書成帝紀民為水所流歷死不能自葬令郡

國給樽檟埋葬註小棺也

和 表異錄戰國載引王季葬渦山之尾藥水齧其墓

見棺前和今人呼棺前後為和本此

紙錢

楮鏹 太平興國實記楮鏹朝飛萬鬼往來於野渡

泉臺土寶 冥游亞寶 清異錄世宗發引之日楮鏹

大若盞口雕字文之黃曰泉臺上寶白曰冥游亞寶

事物紀原

卷十

七

六魂衣

上天衣也西陽雜俎亡人坐上作魂衣謂之上天衣又

冥從

勿靈禮記塗車芻靈自古有之註束草為人形以為
死者之從中古為木偶人謂之備今則以紙為之
脫空命清異錄長安喪葬陳拽寓象其表以綾銷金銀
者曰大脫空楮外設色者曰小脫空

方扇

方扇曰說文翼即方扇是也

挽歌

虞殯

左傳公孫夏命其徒歌虞殯註虞殯送葬歌曲

紼謳

莊子紼謳所生必於斤苦按紼謳即挽歌也

薤露

蒿里 搜神記挽歌有薤露蒿里二歌

哀些

戴叔倫賈誼詩空有哀些弔沅湘按宋玉招魂

語末皆曰些故挽歌曰哀些

墳墓

宰

公羊傳宰上之木拱矣註宰冢也

塋域

禮記檀弓註墓塋域也

壽藏

漢書註壽藏謂冢墓也稱壽者取其久遠之意

壘

方言秦晉之間冢謂之壘

塋

博雅塋冢也方言秦晉謂冢曰塋

佳城 博物志漢滕公薨東都門外地下得石有銘曰

佳城鬱鬱三千年見白石吁嗟滕公居此室遂葬焉

永宅 山堂肆考傳脩期欲耐葬於祖墓遂買左右地

數畝勅子叔偉曰此吾之永宅也

復真堂 山堂肆考唐姚崇孫勗自為壽藏於萬安山

麓兆曰寂居穴墳曰復真堂

斥土 謝華啟秀斥土曠墓也見漢書

琴城 字典琴城冢名水經注楚人謂冢為琴

榛闢 藝文榛闢向蕪密按榛闢謂墓也

土饅頭 韻府羣玉范石湖詩縱有千年鐵門限終須

一箇土饅頭謂墳也

陵 楊慎外集國語管仲曰定民之居成民之事陵為

之終是民之墓亦稱陵也周顯王三十四年趙起壽

陵秦惠文王以後始稱陵而民不得稱

臺 字彙補古謂陵墓為臺如鄴都之三臺是也

窀穸 左傳惟是春秋窀穸之事註窀厚也穸夜也謂

穴中厚暗如長夜也

宅兆 孝經卜其宅兆而安厝之按窀穸為宅兆

幽壤 晉書禮志徐廣議四府君當歆率土之祭若埋

之於幽壤於情理未必咸盡

泉壤 晉書謝元傳不令微臣含恨泉壤

夜室 述異記闔廬墓中石銘曰吳王之夜室也又蘇

軾贈章居士詩願求不毛田親築長夜室

歸真室 述異記廬府君墓在館陶縣銘曰歸真之室

方中 表異錄張湯調茂陵尉治方中註天子即位豫

作陵古者謂掘地為坑曰方中 滕室 張九齡王府君墓誌銘今如防墓開此滕室

千歲室 朱子詩相下竟開于歲室

魂樓 清異錄葬處土封謂之魂樓

羨門 西京雜記羨門蓋冢中之門

蘇門 松門 唐詩空見蘇門青按謂墓門也 一曰松

神道 後漢中山王傳墓門前開道建石柱為梁乃謂

之神道 墓道

華表 和表 桓表 禮記註桓墓前表柱也說文桓

亭郵表也丹鉛錄華表漢書註作和表字林作桓表

券臺 土筵席 清異錄墓前甃石若甌表之面方長

高不登三尺號曰券臺貧無力則每祭祀以藉尊俎

謂之土筵席

易名 禮記公叔文子卒其子請所以易其名者按謂

諡也

臨朝 以下賓禮

排仗 王建詩直到銀臺排仗合聖人三殿對西番

常參 入閣 五代史李琪傳唐故事天子日御殿見

羣臣曰常參不臨前殿則御便殿見羣臣曰入閣

放衙 正字通官寺日再視事謂之放衙 附官視事

元會 通典元日慶會謂之元會

傳生 法苑珠林唐長安風俗元日以後遞相邀飲賀

節謂之傳生酒又錢希白南部新書謂之傳座 附民禮

鹵簿 事物紀原炙轂子曰車駕有羽儀導護謂之鹵

簿

簿鹵楯也所以扞敵部伍之次皆着之簿故言鹵簿

立門仗 唐書儀衛志坐日內外諸門以排道入帶刀

捉仗而立號曰立門仗

習儀

綿蕞 漢書叔孫通為綿蕞註應劭曰立竹及茅索營

之習禮儀其中也

旗

毛羽幢 漢書高帝紀左纛註李斐曰纛毛羽幢也

羽葆 漢書韓延壽傳植羽葆註羽葆聚翟尾為之亦

今纛之類也

雞翹 漢書輿服志鸞旂曰雞翹編羽旄列繫幢旁

徽幟

漢書王莽傳殊徽幟註徽幟通謂旌旗之屬

雲罕

庶物異名疏雲罕大旗也

牙幢

演繁露黃帝作五采牙幢按牙幢旗也

愁眉錦

清異錄蜀王建軍中隱語旂曰愁眉錦

彩虹

楚辭建彩虹以標搖按謂旗也

洪頤

揚雄甘泉賦舉洪頤註服虔曰洪頤旗名

雲梢

潘岳西征賦曳雲梢註謂旌旗之飛如雲也

旒弓

劉琨詩旒弓駢駢註旒弓旌也

肥胡

庶物異名疏肥胡幡名見國語按幡亦旗屬

麾

庶物異名疏戲大將之旗也顏師古曰漢史通以

戲為麾

邛偁 揚雄甘泉賦夫何旒旒邛偁之旖旎也按邛偁

謂竿也 旗竿

碧紛

唐六典旗之旂曰碧紛 旗旂

翠華

山堂肆考翠華天子旗蓋也 旗蓋

繖

輶輓蓋

中華古今注武王伐紂大風折蓋太公因制

曲蓋焉

漢朝乘輿用之謂之輶輓蓋

扇篔

玉海緋羅繡曲蓋並內臣馬上執之謂之扇篔

華芝

華覆 揚雄甘泉賦翳華芝又昭華覆之威威

按華芝華覆皆謂蓋也

掌扇

障扇 演繁露今人呼乘輿所用扇為掌扇殊無義蓋

障扇之訛也

障翳 留青日札掌扇漢名障翳

擁身扇 續漢書梁冀作擁身扇按此障扇也

朱團扇 宋朝會要朱團扇本漢時長柄扇宋孝武時

詔王侯障扇不得用雉尾故王公以下有朱團扇

長柄手搥

骨朶 朱蒜 正字通骨朶宿衛人所執以骨飾之或

骨朶銅為之即長柄手搥之類徐知訓在廣陵作朱柄

骨朶曰朱蒜

長棍

金吾 演繁露金吾者以金飾其兩末也今管軍官入

朝所執之杖皆金釧其末也按漢有執金吾官蓋執

此以巡察非常即今提督九門之屬

皮鞭

鳴鞭 宋會要鳴鞭本周禮條狼氏執鞭趨避之遺法

按今俗呼皮鞭者是

馬杙子

駕頭 陸游筆記駕頭舊以一老宦者抱繡裹杙子於

馬上今乃代以閣門官按駕頭古惟天子出幸則有

之今官長出行有所謂馬杙子者蓋即駕頭遺意

圭

耀辣 江鄰幾雜志契丹謂圭為耀辣

笏

手板 說文笏手板也

魚須 表異錄徐師川詩早棄魚須伴我眠魚須笏也

見禮記

琛板 書敘指南玉笏曰琛板見劉義恭啟

徵兵書 以下軍禮

羽檄 輟耕錄檄徵兵之書也漢高祖以羽檄徵天下

兵有急則挿以羽

視兵

大閱 周禮大司馬仲冬教大閱託簡車馬也

類 師祭 爾雅是類是禡師祭也疏用師出征之祭王

制云天子將出征類乎上帝禡於所征之地是也祭

天而謂之類者尚書夏侯歐陽說以事類祭之也禡

祭造兵為軍法者為表以祭之周禮作貉

出征

敵愾

左傳敵王所愾按愾怒也征不順者曰敵愾

先鋒

前茅 左傳前茅慮無註謂軍行前有斥候蹋伏皆持

以絳及白為幡見騎賊舉絳幡見步賊舉白幡備慮

有無也

前驅 詩為王前驅又正字通軍前鋒曰前驅次前口

中驅

左右翼 左傳狼蘧疏為右肱註軍左翼曰啟右翼曰肱

兩甄 表異錄兩甄軍中兩翼也左傳曰左右拒

軍士

柘羯 唐書西域傳募勇健者為柘羯猶中國言戰士

也 宋史俞玠傳一或即戎即指之為羸人斥之為

噲伍 按史記韓信曰生乃與噲等為伍故曰噲伍

赤老 雜志都下目軍人為赤老緣尺籍得名

親隨軍

背寇 雲麓漫抄親隨軍謂之背寇北人呼酒瓶為寇

大將酒瓶必令親信人負之故用以名

軍門

壘門 詩東有甫草疏軍門曰和今謂之壘門

星門 山堂肆考軍門曰星門唐詩星門列五戎

屯守

環龜 司馬法兼舍環龜註兼舍者晝夜行也四面屯

守謂之環龜

羅闌 正字通軍行去壘五十步以羅為闌周軍之前

後左右曠弩環之曰羅闌

行夜

干掖 左傳陪臣干掖有淫者註干掖行夜言行夜得

淫人

走馬

躡柳 文昌雜錄軍中以端午走馬謂之躡柳

攻城土山

距堙 書甲戌我惟築疏兵法攻城築土為山以窺望

城內謂之距堙

偵諜

游偵 細作 杜預左傳註諜者曰游偵謂之細作亦謂之間諜

候訶 唐書李俊傳祿山度河號合嚴密候訶不能知

按漢書註西方人以及間為訶師古曰訶有所訶候

犯令

奸旗鼓

山堂肆考軍士犯將令者謂之奸旗鼓左傳

臣奸旗鼓不敏于君之行前不敢逃刑

行成

左傳吳王夫差敗越于夫椒遂入越越子使大

夫種因吳太宰嚭以行成

獲囚

俘馘 左傳鄭公子歸生受命於楚伐宋宋師敗績囚

華元獲樂呂俘二百五十人馘百人按馘截耳者總名為俘

捷書

露布 聞見記露布捷書之別名也諸軍破賊則以帛書建諸竿上兵部謂之露布亦謂之露板魏武奏事云有警急輒露板插羽是也

使駭

唐會要驛傳曰使駭

飛鳥使

表異錄吐蕃陷麟州虜將徐舍人會飛鳥使至召其軍還飛鳥使猶傳騎也

舉烽

唐會要舉烽

平安火

山堂肆考報捷之烽火曰平安火

班師

奏凱 周禮大司樂王師大獻則令奏凱樂

振旅 左傳出而治兵入而振旅

飲至 山堂肆考古者治兵振旅而歸則告於宗廟而

因飲酒以數車徒器械及所獲也故曰飲至

婚姻 以下嘉禮

陰禮 周禮大司徒之職以陰禮教親註陰禮婚姻之

禮

造舟禮 晉書后妃傳序哲王垂憲尤重造舟之禮

媒氏

事物紀原

卷十

十一

冰人 晉書索統傳令狐策夢立冰上與冰下人語統
曰冰上為陽冰下為陰為陽語陰媒介事也君當為
人作媒按今稱媒為冰人本此

月老 續幽怪錄韋固遇老人向月檢書固問曰君何
主曰主天下之婚姻耳

伐柯人 夢梁錄伐柯人兩家通報擇日過帖各以色

綵襖盤安定帖然後相親

蹇修 離騷吾令蹇修以為理註蹇修古之賢媒

擇婿

相攸 詩為韓姑相攸莫如韓樂按攸所也相其可嫁
之所也今人擇婿謂之相攸本此

求親

卜鳳 左傳懿仲卜妻敬仲曰鳳凰于飛和鳴鏘鏘

求凰 司馬相如琴心挑文君曰鳳兮鳳兮歸故鄉遨

遊四海求其凰

索婦 老學菴筆記今人謂娶婦為索婦古語也蘇權

欲為子索關公女袁術欲為子索呂布女皆見三國

志

定親

繫臂 侯鯖錄晉武帝選女子有姿色者以緋綵繫其

臂今定親之家亦有云繫臂者

擗釵 東京夢華錄若相媳婦即男家親人或婆往女

家看中卽以釵子挿冠中謂之挿釵子

吃茶 七修類藁種茶下子不可移植移植則不復生也故女子受聘謂之吃茶

下茶 茶疏古人結婚必以茶爲禮取其不移植子之意也今人猶名其禮曰下茶

加笄

上頭 輟耕錄今世稱女子之笄曰上頭

合婚

合好 禮記昏禮者將合二姓之好

合卺 禮記合卺而酌註以一瓢分爲兩瓢謂之卺
與婦各執一片以酌

合髻 夢梁錄新人男左女右結髮名曰合髻

傳席 輟耕錄今人家娶婦輿轎迎至大門則傳席以

入弗令履地然唐人已爾樂天春深娶婦家詩云青

衣轉氍毹錦繡一條斜

撒帳 事物原始撒帳始於漢武帝李夫人初至帝迎入帳中共坐歡飲之後預戒宮人遙撒花果帝與夫人以衣裾盛之云得多得子多也

三朝送食

餽女 邵氏聞見錄女嫁三日餽食爲餽女

反母家

歸寧 來歸 詩疏歸寧者有時而反歸不復來謂之

事物異名錄

卷十

七

大歸又穀梁傳婦人謂嫁曰歸反曰來歸

改嫁

更行 南史徐孝嗣傳父被害孝嗣在孕母年少欲更行按更行謂改嫁也

懷孕

任身 山堂肆考任身謂懷孕也

生產

免乳 漢書外戚傳婦人免乳大故十死一生註免乳謂產子也

坐蓐 貴耳集鶴山先生母方坐蓐其先公夢有人朝服入卧內按坐蓐謂生產也

免身 山堂肆考免身謂產子也

弄璋 弄瓦 詩乃生男子載弄之璋又乃生女子載弄之瓦 生男女

三朝

湯餅會 山堂肆考生子三朝會曰湯餅會

滿月

洗兒會 夢梁錄生子滿月外家以金銀雜果食物送其家大展洗兒會煎香湯於銀盆內下洗兒果用色綵繞盆謂之圍盆紅

周歲

試兒 顏氏家訓江南風俗兒生一期為製新衣並加

飲食之物及珍寶物玩置之兒前觀其所取以驗貪
廉愚智名之爲試兒

醉盤 類書周歲陳設曰醉盤醉音醉周年子生一歲

也

醉盤

醉盤

醉盤

醉盤

醉盤 類書周歲陳設曰醉盤醉音醉周年子生一歲

事物異名錄卷十一

葱谿 厲靜菴先生荃 原輯

仁和 關管軒先生槐 增纂

音樂部

律呂

分 爾雅律謂之分疏律一名分以其分候十二月氣

故又名分

同 周禮大師掌六律六同按同即呂也以其同於律

故謂之同

五音

五范 國語五范四時各以類相從註五范五音也

事物異名錄

卷十一

一



重 敏 經 迭 柳 爾雅宮謂之重商謂之敏角

謂之經徵謂之迭羽謂之柳又足大指名敏

少宮 少徵 唐書楊收傳某律少宮某律少徵亦曰

變 以下變宮變徵

閏宮 閏徵 表異錄閏宮閏徵卽變宮變徵五音惟

宮徵有變

鐘

鏞 罇 剽 棧 爾雅大鐘謂之鏞其中謂之剽小

者謂之棧疏大鐘聲大鏞大也又名罇剽者聲輕疾

也棧淺也

兌音 白虎通鐘兌音也

大聖銅 清異錄朱全忠時號鐘爲大聖銅避諱改也

長嘯 粲谷 奚囊橘柑鐘一名長嘯一名粲谷

華由 致虛閣雜俎鐘曰華由

蒲牢 張衡西京賦發鯨魚鏗華鐘註鏗擊也蒲牢畏

鯨魚一擊蒲牢輒大鳴吼凡鐘欲令聲大故作蒲牢

形於鐘上以所擊者爲鯨魚形

鐺 古今樂錄鐺鉦也形如小鐘軍行爲鼓節

丁寧 左傳著於丁寧疏金鐺爲丁寧

鈸

銅盤 杜氏通典銅鈸亦謂之銅盤其圓數寸隱起若

浮漚貫之以韋相擊以和樂

草子 正字通鑊鈸用之以節樂或謂之草子或謂之

鋪鈸

鑼

響八 清異錄蜀王建軍中隱語鑼曰響八

雲鑼

雲璈 事物紺珠雲鑼九枚一架手執擊之即雲璈也

雲板

鐵磬 續事始南齊置鐵磬即今之雲板也

號筒

銅角 舊唐書音樂志西人有吹金者銅角是也長二

尺形如牛角貝蠡按即今之號筒而稍曲者管桓元製龍角所謂銅角也

長鳴 正字通長鳴今之號通也口圓而長如竹筒一尺五寸又有小柄空管從筒中抽出吹之其始以葭管後皆以銅作器象其聲

喇叭 正字通喇叭軍中吹器俗呼號筒見戚繼光新書

鑼邏迴 事物紺珠大角名鑼邏迴

味磬

馨 爾雅大磬謂之馨疏以玉石為之孫炎云馨高也謂其聲高也李巡云大磬聲清燥也故曰馨馨燥也

鳴球 書裊擊鳴球註鳴球玉磬名

浮石 書泗濱浮磬註浮石也張仲素賦練響鳴球選

和浮石

樂石 陳氏樂書磬之為器昔人謂之樂石

洗東 致虛閣雜俎磬曰洗東

泗濱友 合璧事類李建勳目磬為泗濱友

方響 通典梁有銅磬則今之方響也以代磬

大琴

離 爾雅大琴謂之離疏音多變聲流離也

槁梧 莊子據槁梧而瞑註據琴而睡也

流徽 初學記堂上撫流徽按流徽謂琴也

嶧陽友 事物紺珠李建勳稱琴為嶧陽友

焦桐 清音居士 文房圖贊續焦桐字良材號清音

居士

珠柱 庾信小園賦琴號珠柱

綠綺 陸游詩綠綺聲中酒半消按司馬相如有綠綺

琴故後人即以綠綺名琴

桐君 陳無已詩人生亦何須有酒與桐君按桐君謂

琴也

手語 古樂府手語出朱紘心聲寄丹府註彈琴謂之

手語 彈琴

瑟

灑 爾雅大瑟謂之灑疏音多變布如灑出也

文鵠 致虛閣雜俎瑟曰文鵠又瑯嬛記琴曰文鵠

空桑 楚辭註空桑瑟名

箏

頌瑟 唐書禮樂志頌瑟箏也

小琴 楚辭九歎註箏小琴也

秦聲 風俗通箏秦聲也

長離 類山長離箏名武夷山謝英妃撫長離又長離

一云齋栗

東宛 道籥箏一名東宛

繫爪 義甲 表異錄為爪以彈箏曰繫爪又曰義甲

按繫一作擊 彈爪

箏篴

坎侯 舊唐書樂志箏篴漢武帝時使樂人侯暉所作

以祠太乙其聲坎坎應節謂之坎侯聲訛為箏篴

空猴 控猴 曾益昌谷集註箏篴首刻如猴狀豈箏

篴又空猴之誤歟升菴外集沈約宋書以空侯為控

猴

琵琶 附胡琴月琴

馬上樂 舊唐書琵琶漢樂也漢武嫁宗女於烏孫乃

為馬上樂以慰其鄉國之思

秦漢子 唐書禮樂志琵琶圓體修頸而小號曰秦漢

子蓋絃鼗之遺制出於胡中傳為秦漢所作

鼗婆 席上腐談琵琶又名鼗婆

圓腹 武夷山記呂真人鍾離先生會武夷山呂阿香

夏圓腹註圓腹琵琶也

遼殿雷 珍珠船馮道之子能彈琵琶世宗深善之因

號琵琶為遼殿雷

韓朋木 楊維禎西湖竹枝詞琵琶元是韓朋木彈得

鴛鴦一處飛

胡撥四 處拍思 席上腐談王昭君琵琶壞使胡人

重造而其形小昭君笑曰渾不是今訛為胡撥四一

作胡撥四亦作虎拍思按一說琵琶一名胡琴今觀

胡琴形似琵琶而小殆即所謂胡撥四歟以下胡琴

火不思 琥珀詞 正字通元志天樂一部有火不思

制似琵琶今山陝中州彈琥珀詞蓋火不思之轉語

也

囚牛 懷麓堂集囚牛龍種好音樂今胡琴頭上刻獸

是 胡琴頭

阮咸 國史纂異有人破古冢得銅器似琵琶人莫能

辨元行冲曰此阮咸所作器也命易以木而絃之謂

之阮咸以下月琴

耍琵琶 合璧事類阮咸又名月琴近世有依琵琶樣

製者名曰耍琵琶

管

簫 簞 爾雅大管謂之簫其中謂之簞小者謂之簞疏聲高大故曰簞簞高也

良音 白虎通管良音也

笛

尺八 仙隱傳房介然善吹笛名曰尺八按笛如古之管也

七孔笛 玉篇笛七孔笛也

茵子 志奇緣珠為梁伯女伯至山中聞吹笛聲忽空中語云汝歸命女呼我名曰茵子我當至矣伯歸如法至期果至空中吹笛音極要眇緣珠聽之得十五

曲因名笛曰茵子又曰遠歸遠歸仙笛名

羌管 李商隱詩羌管促蠻柱註羌管笛也

玉龍 羅隱詩玉龍無主渡頭寒按玉龍笛名

簞

產 仲 簞 爾雅大簞謂之產其中謂之仲小者謂

之 簞

簞

沂 爾雅大簞謂之沂疏簞聲悲沂悲也郭云以竹為

之

簞

言 簞 爾雅大簞謂之言小者謂之簞疏大簞聲大

者言言也小者聲揚而小箋小也又言汴都賦作管人籟 莊子人籟則比竹是已註簫也

石弦 紫佩 三餘帖簫一名石弦一名紫佩

尺八管 豎篴 珍珠船簫名尺八管其長數也一名

豎篴又笛亦名尺八

鳴籟 司馬相如子虛賦吹鳴籟註張揖曰籟簫也

紫玉 陳旅詩仙女乘鸞聽紫玉按紫玉謂簫也

箛

箛 吹鞭 宋書箛亦曰箛號曰吹鞭

蘆管 廣韻北方之人捲蘆葉而吹曰箛李益詩不知

何處吹蘆管一夜征人盡望鄉

感箛

箛管 陳氏樂書感箛一名箛管龜茲樂也以竹為管

以蘆為首類胡箛而九竅

悲栗 合璧事類篳篥者龜茲國所獻其聲悲類箛又

名悲栗

風管 說楛箛栗一名風管詩一之日感發葢寒風悲

、慘感聲似之

頭管 正字通悲栗今鼓吹樂坊以為頭管

笙

巢 和 簧 爾雅大笙謂之巢小者謂之和疏大者

名巢巢高也言其聲高小者名和李巡云小者聲少

音相和也又笙必有簧故或謂笙為簧又和棺前後

匏竽 釋名笙以匏為之故曰匏竽

采庸 致虛閣雜俎笙曰采庸

居巢 雲笈七籤小娥運居巢註居巢笙也

參差 樂府雜錄笙者女媧造也王子晉於緱氏山月

下吹之亦名參差又楚辭吹參差兮誰思註參差洞

簫也

塤 爾雅大塤謂之兜疏音大如叫呼聲

坎音 白虎通塤坎音也按塤即塤也

鼓

鼗 應 爾雅大鼓謂之鼗小者謂之應疏鼓之大者

名鼗其小者名應言聲應於大鼓也

樂君 荀子鼓其樂之君耶

震音 白虎通鼓震音也

吹雲 潛居錄鼓一名吹雲

送君 酉陽雜俎鼓曰送君

聖牛兒 清異錄蜀王建軍中隱語鼓曰聖牛兒

濮 雜林類事高麗方言謂鼓曰濮

寶槌 謝華啟秀寶槌鼓也

鼗 大唐新語舊制京城內金吾曉暝傳呼以戒行

者馬周封章始置街鼓俗號鼗鼗人公私便焉 街鼓

皐陶 庶物異名疏皐陶鼓匡也

鼓匡

枹 韻會枹擊鼓杖也一作枹今謂之槌

鼓槌

鼗

麻

料

爾雅大鼗謂之麻小者謂之料疏鼗如鼓而

小持其柄搖之兩耳還自擊一名麻其小者名料麻

者音概而長也料者聲清而不亂

梢子 因語錄鼗古樂也今不曰播鼗而曰撚梢子世

俗之陋也

鞞

騎鼓

說文鞞騎鼓也

羯鼓

兩杖鼓

唐書音樂志羯鼓正如漆桶兩手具擊謂之

兩杖鼓

腰鼓

答鼓 樂府雜錄答鼓即腰鼓也

拍板

樂句 撫言牛僧孺以所業謁韓愈皇甫湜其首篇說

樂愈見題掩卷問曰且以拍板為甚麼僧孺曰樂句

二公大稱賞王禹偁拍板論所以唐相牛僧孺為文

命之曰樂句

紅牙 研北雜志趙子固執紅牙以節曲註紅牙拍板

也

事類異名錄 卷十一
捺瑟 合璧事類拍板一名捺瑟

控命榻 禮記控命榻註疏控命也榻敵也祝以起樂敵

以止樂

乾音白虎通祝敵乾音也

肉聲

正字通唐人謂徒歌曰肉聲

挨藍

真臘風土記八月則挨藍按藍者舞也點差伎

樂每日就國宮內挨藍

古樂

承雲 六英 九招 晨露 列子周穆王時有化人

來奏承雲六英九招晨露以樂之註承雲黃帝樂六

英帝樂九招舜樂晨露湯樂也按黃帝樂曰咸池

帝樂曰五英湯曰大濩意此其別名歟書簫韶九成

故舜樂亦名九招

軍樂

鼓吹 橫吹 遼史樂志鼓吹一名短簫鏡歌樂自漢

有之謂之鼓吹又橫吹亦軍樂與鼓吹分部而同用

簫鏡 雲笈七籤帝以伐叛之功始令岐伯作軍樂鼓

吹謂之簫鏡歌以為軍之警衛

夷樂

扈從 石林燕語從駕謂之扈從始司馬相如上林賦
云扈從橫行晉灼以扈爲大 從駕

迎春

放春 發春 表異錄古者迎春東郊齊曰放春見管子楚曰發春見楚辭漢書太守有迎春班春之文

詔令 附文牒教條

綸紵 禮記王言如綸其出如紵柳宗元代謝出鎮表
捧對綸紵不知所圖

紫泥 漢舊儀天子六璽皆以武都紫泥封按武都泥
赤故曰紫泥然泥安能封或是用爲印色也

蘭檢 文粹唐張鷟奏曰蘭檢浮香潤龍縑而動色按

漢儀天子制詔以蘭英爲檢紫芝爲泥故曰蘭檢

鶴書 古今篆隸文體鶴頭書與偃波書俱詔板所用

在漢則謂之尺一簡髣髴鶴頭故有其稱

鳳書 山堂肆考後趙石季龍詔書用五色紙銜於木

鳳之口頒行之故詔書謂之鳳詔

制書 野客叢書武后諱墨以詔書爲制書

宣麻 山堂肆考舊制執政除罷皆宣麻按詔書昆侖用

黃麻故曰宣麻

尺一柬 山堂肆考漢制詔書一尺一寸高蘇東坡云

尺一柬呼我歸

令甲 令乙 新書天子之言曰令令甲令乙是也

鳳綵 陳拾遺集司言鳳綵揮翰龍池

絲言 許敬宗表載荷絲言

綸書 蘇頲詩聞道降綸書

龍綸 李中獻喬侍郎詩人間傳鳳藻天上衍龍綸

天藻 陳子昂表帝歌爰作天藻遐彰 以下聖製

宸藻 沈佺期詩宸藻光盈尺賡歌樂歲豐

睿藻 李嶠詩臣在東周獨留滯忻逢睿藻日邊來

天章 杜甫詩龍鸞炳天章

顯子 三朝國史樞密院給券謂之顯子按顯子如今

文牒 文牒 山堂肆考墨旨州縣教條也見南史 教條

賦稅

正供 書惟正之供按謂應徵之賦稅也

排戶 薛能詩管排蠶戶遠註蜀人謂稅為排戶

租調 庸 唐書有租調庸之法按租者粟稻調者

絹綿之類庸力役也

頭會 史記陳涉傳頭會箕歛以供軍費註吏到其家

以人頭數出穀以箕歛之故云 以下丁稅

身錢 後山談叢吳越錢氏人成丁歲賦錢三百六十

謂之身錢

租銖 漢書食貨志除其販賣租銖之律註租銖謂計

其所賣物價平其錙銖而收租也 貨稅

擗地錢 唐書食貨志茶商所過諸道置邸以收稅謂

之擗地錢 茶稅

格納 宋史食貨志海南收稅較船之丈尺謂之格納

船稅

算緡 漢書公卿言異時算輜車賈人之緡錢皆有差

請算如故註師古曰緡錢貫也 錢稅

禁錢 後漢書凡山澤陂池之稅名曰禁錢 山澤稅

權酤 辜權 估較 漢書昭帝議罷鹽鐵權酤註應

劭曰武帝以國用不足縣官各自賣鹽鐵酤酒昭帝

罷之又韻箋權酤是徵稅之法王莽傳謂之辜權晉

書南蠻傳謂之估較 鹽酒稅

埭程 合壁事類江淮堰埭商賈率船過處糾錢謂之

埭程 過堰錢

潤官 合壁事類諸路轉運使以民賦又令加耗謂之

潤官 加耗

白着 山堂肆考稅外橫取謂之白着 橫征

漕運

飛芻 漢書王父偃傳令天下飛芻輓粟註師古曰運

載芻粟令其疾至

免租

賜復 給復 後漢書光武紀光武幸南陽復田租一

歲父老願賜復十年又北史曰給復

欠租

逋懸 北史辛雄傳逋懸租調宜悉不征

科舉

大比 周禮鄉大夫三年則大比考其德行道藝而與

賢者能者帥其吏以禮禮賓之 以下鄉試

賓貢 賓興 隋書梁彥光傳為相州刺史當舉行賓

貢之禮於郊外祖道并以財物資之按賓貢即周禮

賓興是也

秋貢 宋史選舉志秋貢春試皆置別頭場以待舉人

之避親者

秋闈 黃潛試院同諸公為主試官作秋闈獻藝劄

省試 老學菴筆記自建炎軍興蜀士以險遠許就制

置司類試與省試同問有願赴行在省試者亦聽之

按省試即今會試也 以下會試

禮闈 劉禹錫詩禮闈春榜動長安

赴試

踏槐 山堂肆考諺云槐花黃舉子忙故赴舉謂之踏

槐

計偕 漢書徵吏民有明當世之務習先聖之術者縣

次續食令與計偕按計偕謂與計簿之使者偕來也

今鄉貢舉人赴禮部者即漢時計偕也

試卷

帖括 唐書選舉志揚綰疏言明經但記帖括按今謂
試卷帖括本此

中式

折桂 登蟾宮 避暑錄話世以登科為折桂此謂郊

誥對策桂林一枝也自唐以來用之其後以月中有

桂故又謂之月桂而月中又有蟾故又改桂為蟾以

登科為登蟾宮 以下登科

攀桂 陳元老詩桂子高攀第一枝

入彀 山堂肆考唐太宗見進士曰天下英雄入吾彀

中矣 中進士

占鰲頭 列子龍伯國有大人一釣而連六鰲故今大

魁謂之占鰲頭 以下及第

奪錦標 古今詩話唐盧肇黃頗同赴舉郡守獨餞頗

明年肇狀元及第郡守會肇觀競渡肇即席賦詩云

報道是龍君不信果然奪得錦標回

破天荒 北夢瑣言宋荊州每歲解舉人多不成名號

破天荒 白屋

榜

蕊榜 藝林伐山大羅天放榜於蕊珠宮故稱蕊榜

虎榜 薩都刺及第謝恩詩虎榜姓名書勅紙羽林冠

帶豎旌旄

龍飛榜 朝野類要每遇主上即位第一次選士謂之

龍飛榜

名錄

小錄 石林燕語試院官舊不為小錄崇寧初霍端友榜安樞密惇知舉始創為之自後遂為故事小錄具生月日時者敘齒也

千佛名經 撫言張倬落第捧登科記曰此千佛名經也

報喜

榜帖 太平清話宋龔識登第時金花榜帖用塗金紙按榜帖今謂之報喜單

泥金信 開元遺事新進士入第者以泥金帖子附家

書中謂之泥金信

殿試

黃甲 山堂肆考黃甲由省中降下唱名畢以此升甲之人附於卷末用黃紙書故曰黃甲

臚傳

遶殿雷 山堂肆考進士唱第日宰相折視姓名則曰某人由是傳於階下皆齊聲呼之謂之臚傳亦謂之遶殿雷又夢梁錄朝正聲呼亦名遶殿雷又琵琶名

喜宴

鹿鳴宴 韓愈詩相公朝服立工席歌鹿鳴按唐鄉貢懷牒自列於州縣試已長吏以鄉飲酒禮會僚屬歌

鹿鳴之詩故謂鹿鳴宴 舉人宴

瓊林宴 宋史選舉志太平興國八年進士始分三甲

錫宴瓊林苑 以下進士宴

探花宴 秦中歲時記進士杏園初會謂之探花宴以

年少俊二人為探花使

燒尾 邵氏聞見錄士人初登第必展歡宴謂之燒尾

一說魚躍龍門化為龍必雷燒其尾乃化故云又石

林燕語謂在官遷除者亦然 私宴

門生

玉筍班 唐書李宗閔傳閔典貢舉所取多知名士世

謂之玉筍班

美莊 唐餘錄崔羣知舉歸其妻勸令求田羣曰子有

美莊二十所榜所放三十人是也妻曰君非陸贄門

生乎君掌文柄約其子不令就試如以君為良田則

陸氏一莊荒矣

傳衣鉢 山堂肆考五代和凝登第名在十三及知貢

舉覽范質卷亦以第十三人登第謂曰君文宜冠多

士屈居十三欲君傳老夫衣鉢耳

桃李 古詩一旦聲名遍天下滿城桃李屬春官按桃

李謂門生也

落第

孫山外 遜齋閑覽孫山末名得解有同試者以書問

山得失答曰解名盡處是孫山吾兄更在孫山外
打盹瞌 國史補凡進士捷而入選謂之春闈不捷而
醉飽謂之打盹瞌

白臘明經 朝野僉載張鷟號青錢學士謂萬選萬中
有董方九舉不第號曰白臘明經

綱官 續歸田錄蜀人石揚休屢拔鄉舉常屈春官蜀
人比之綱官蓋謂牙校部上貢入京師只空歸也

落卷

紅勒帛 夢溪筆談歐陽公主文有一舉人論曰天地
輒萬物茁聖人發公曰此劉幾也戲續曰秀才刺試
官刷乃以大硃筆橫抹之自首至尾謂之紅勒帛

榜姓希僻

榜花 南部新書唐禮部放榜歲取二三人姓氏希僻
者謂之色目人又號曰榜花

榜後死

報羅使 撫言進士放榜後必有一人下世者名報羅
使言報大羅天也

考課

計吏 周禮太宰以六計弊羣吏
殿最 漢書丞相御史課殿最以聞註師古曰殿後也
課居後也最首也課居先也

奉使

輜軒 羣書考索輜軒天子使臣也

星使 後漢書和帝遣使二人到益州投館吏李郃舍

郃問朝廷二使何時發使驚問何以知之曰有二使

星來向益州分野

玉節郎 蘇軾詩洗眼忽驚笑見此玉節郎

封賞

錫瑞 王拱宸表宗藩錫瑞按謂封也

匪頒 周禮家削之賦以待匪頒註匪分也頒班賜也

刑書

三尺 漢書為天下決平不循三尺法註三尺者以三

尺竹簡寫法律也

法經 晉書刑法志魏文侯師李悝撰次諸國法著法

經六篇按法經即律書也

挈令 說文樂浪挈令註挈手令蓋律令之書也

交訟

兩造 書兩造具備

雀角 鼠牙 詩誰謂雀無角何以穿我屋誰謂女無

家何以速我獄又誰謂鼠無牙何以穿我墉誰謂女

無家何以速我訟按今謂構訟為雀角鼠牙義本於

此

陰訟 周禮凡男女之陰訟聽之於勝國之社註陰訟

爭中冓之事以觸法者 私訟

干証

左驗 表異錄楊惲下廷尉廷尉考問左驗明白証左
證左也言當時在其左右見此事者也

刑具

三木 史記魏其侯衣赭衣關三木証關三木頭及手
足也皆刑具也

梏 桎 拳 說文梏手械也桎足械也又周禮鄭証

兩手共一木曰拳

何校 易何校滅耳証校枷也械其首也 以下首械

弓梏 左傳宋子蕩以弓梏華弱於朝証張弓以貫其
頸若梏之在手故曰梏按此則今之枷亦可名為弓

梏

彌尾青 北史宋 傅翻為河陰令縣舊有大枷時人

號曰彌尾青吏誦焚之翻曰置南墻下以待豪右

履校 易履校滅趾証械足也 以下足械

桁楊 合璧事類接摺桁楊証足械也

檣楚 書扑作教刑証扑檣楚也 以下笞杖

掉柴 宋史刑法志或斷薪為杖搯擊手足名曰掉柴

孟青 大唐新語侯思止以告變授侍御史按中丞魏

元忠曰急承白司馬不然即喚孟青洛陽北有坂名

白司馬將軍有姓孟名青棒者思止問巷傭保嘗以

此謂諸囚也

肉雷 清異錄來紹天稟驚忍雷當宰郃陽每肆枯木之威轟響振動時號肉雷 以下答杖聲

肉鼓吹 山堂肆考唐李匡遠斷刑嘗聞捶楚之聲曰此一部肉鼓吹也

琅當 漢書王莽傳以鐵琅當當其項註琅當長鎖也 以下鎖條

鐵繩 金史禹顯傳正大六年軍內變城破被擒帥義之不欲加害初以鐵繩鈴之既而密與舊部曲二十人遁去

大關 酉陽雜俎趙安行野外見衣一襖持至家鄰人即告官盜物捕送縣怒其不承以大關夾脛折三段

按大關即今所謂夾棒也 夾棒

反接 漢書陳平傳樊陰受詔即反接按反接謂反縛兩手也 縛手

牢獄

園土 周禮凡害人者寘之園土按園土獄也

園墻 漢書司馬遷傳幽於園墻之中註師古曰園墻

獄也

請室 漢書袁盎傳徵繫請室註請室獄也

嚴棘 後漢寇榮傳置之嚴棘之下註嚴棘謂獄也亦

謂之叢棘

狴犴 揚子狴犴使人多禮乎註狴犴牢獄也按懷麓

堂集狴犴好訟今獄門上獅子頭是又雜記憲章似獸好囚故立於獄門上

周柱 家語周柱王肅曰牢獄也

深室 表異錄左傳置諸深室謂獄也

囹圄 風俗通夏曰夏臺殷曰羑里周曰囹圄皆獄也

又博物志夏曰念室殷曰動止周曰稽留

司空 禮記疏囹圄魏曰司空又工部名司空

狴犴 李嶠文狴犴空而京坻實按狴犴即囹圄也

狴戶 囹關 庾信文狴戶苔生囹關籊籊動

園狴 沈佺期詩幽籊動園狴

園扉 白六帖園扉獄門也 獄門

獄詞

爰書 史記張湯傳傳爰書訊鞠論報註爰換也古者

重刑嫌有愛惡故移換獄書使他官考實之故曰傳

爰書也

負冤

戴盆 覆盆 司馬遷報任安書戴盆何以望天又李

白詩願借羲皇景為人照覆盆

釋罪

平反 漢書雋不疑錄囚多所平反按謂反罪人辭使

從輕也

贖罪

金選 漢書有金選之品按卽呂刑所列贖罪也

顧山 漢書如淳註女子犯罪如徒當于山伐木聽使

入錢顧工故謂之顧山

徒罪

胥靡 漢書師古註聯繫相隨而服役之故謂之胥靡

猶今之役囚徒以鎖連綴耳

貶謫

遷客 山堂肆考凡人臣有罪而見貶謫謂之逐臣又

謂之遷客

量移 白居易詩量移遠近未成官按唐人得罪遠貶

遇赦移近地謂之量移

死罪

大辟 禮記其死罪則曰某之罪在大辟

殊死 漢書高帝紀其赦天下殊死以下註師古曰殊

絕也異也言其身首離絕而異處也

棄市 漢書刑法志諸死刑皆磔於市景帝二年改磔

曰棄市

囚死

瘦死 漢書如淳註囚以饑寒而死曰瘦

絞死 附自縊

磬 周禮公族有大辟則磬于甸人註縊殺之曰磬

繆死 漢書趙皇后傳卽自繆死註師古曰繆絞也

雉經 釋名屈頸閉氣曰雉經如雉之爲也 以下自縊
投縲 睽車志有士人妻悍妒買妾每加凌虐妾不能
堪屢欲投縲按投縲謂自縊也

事物異名錄卷十二

慈谿 厲靜菴先生荃 原輯

仁和 關晉軒先生槐 增纂

人事部

喜

鳧藻 後漢杜詩傳士卒鳧藻註言歡悅如鳧戲藻

審令 宋史夏國傳諒祚景宗長子也小字審令國語

謂歡喜爲審令

雀躍 劉夢得詩欲知雀躍心能喜正愛蟬連語未休

怒

髮指 史記項羽紀樊噲入瞋目視項王頭髮上指



牙歛 揚子法言始皇方獵六國而王翦牙歛註謂切齒而怒也

魏盈 方言魏盈怒也燕之外郊朝鮮列水之間凡言呵叱者謂之魏盈

馮齟 類齟 廣雅馮齟怒也又玉篇類齟切齒怒也惡發 老學菴筆記惡發猶云怒也

粲然 穀梁傳人皆粲然而笑註粲然盛笑貌

解頤 漢書匡衡傳匡說詩解人頤山堂肆考解頤笑不能止也

軒渠 後漢荀子訓傳兒識父母軒渠笑悅

挪揄 後漢王霸傳霸至市中募人將以擊王郎市人皆大笑舉手挪揄之註挪揄手相笑也又邪亦作挪絕倒 晉書衛玠傳王澄有高名每聞玠言輒嘆息絕倒按絕倒謂極笑也

解顏 列子夫子始得解顏而笑 盧胡 闕子宋人得燕石以為大寶周客聞而觀之掩口盧胡而笑又盧胡亦作胡盧

噍噍 通俗文樂不勝謂之噍噍山堂肆考噍噍笑聲 呵呵 歌歌 博雅囁囁呵呵笑也又廣雅唏唏歌歌笑也

典堂 因話錄御史有臺院殿院察院一人知雜事名

雜端公堂會食皆絕笑左右不可忍雜端笑而三堂皆笑遂謂典堂

歎飯 冷齋夜話一座大笑歎飯滿案

歡哈 韓愈詩笑言溢口何歡哈

罵

詬詈 魏書趙修傳從者尊嗜喧譁詬詈無節按詬詈

謂相罵也

凌碎 列子讓極凌碎註謂好凌辱責罵人也

保佞 方言保佞罵也燕之北郊曰保佞

哭

號咷 易同人先號咷而後笑

墮淚

晉書羊祜傳襄陽百姓於岘山祜平生游憩之所建碑立廟歲時饗祭焉望其碑者莫不流涕杜預

因名為墮淚碑

屑涕

北史房彥謙傳薛道衡收番州路經彥謙所留連數日屑涕而別

悲痛

辛酸

嵇康詩自致力所難臨文情辛酸

辛楚

陸機與弟士衡書慷慨含辛楚按辛楚痛也別作憊

愁苦

殿屎 詩民之方殿屎表異錄民呻吟愁也

心曹 侯鯖錄愁憂也集韻音曹今人言心中不快爲
心曹當用此愁字

併性 王仲宣詩夙夜自併性註嘆息也

慚愧

負負 後漢張步傳負負無可言者註負愧也再言之
者愧之甚

憫愴 集韻楚人謂慚曰憫愴

弱顏 表異錄高元海譖祖珽見帝自辨曰必元海譖

臣帝弱顏不能諱註見人自羞者謂之弱顏

卑陬 正字通卑陬愧惡貌莊子天地篇子貢卑陬失
色

愚昧

檮昧 郭璞爾雅序不揣檮昧按檮昧無知貌

備瞶 荀子愚陋備瞶註備瞶無知也或作瞶瞶或作

恂愁

驚駭

握兩手汗 投甕隨筆今世旁觀人涉險而濟者輒云

爲爾捏兩把汗按元史憲宗召趙璧問曰天下何如

而治璧曰請先誅近侍之尤不善者璧退世祖曰秀

才汝渾身都是膽耶吾亦爲汝握兩手汗也

勇猛

操刺 表異錄耶律德光指劉知遠曰此都軍甚操刺

事物異名錄 卷十三

操刺俗語猛勇也
強暴

跋扈 後漢質帝紀嘗朝羣臣目冀曰此跋扈將軍也

按跋扈猶強梁也

輒張 表異錄董皇后傳汝今輒張怙汝兄耶註猶強

梁也

柔懦

戴帽錫 表異錄梁彥先為相州刺史百姓呼為戴帽

錫言柔軟也

勤勞

根涯 王阮詩坎豆皆勤作根涯悉勉旃自註楚語以

種物為坎豆勤苦為根涯

侷莫 方言侷莫強也凡勞而相勉謂之侷莫

懶惰

些窳 史記貨殖傳些窳偷生無積聚而多貧註些窳

苟且墮懶之謂也

蕭杌 表異錄懶放不勤事曰蕭杌見文選

急遽

諛詞 後漢和后紀輕薄諛詞註急遽也

澗沐 方言江湘之間凡窘狃怖遽謂之澗沐

窟咤 丹鉛錄俗語急疾頃刻曰窟咤未作咄嗟晉書

咄嗟而辨集韻作咋喏古樂府作咄喏今俗作越趨

迅速

飛風 推篷寤語吳人謂疾速為飛風未詳所始唐制凡細馬次馬送尙乘局者於尾側依左右開印以三花其餘雜馬以風字印印右髀以飛字印印左髀然則飛風二字蓋取義於馬耳

吝嗇

老慳 山堂肆考宋劉秀儉吝號曰老慳

妒忌

李益疾 唐書李益傳益少癡而忌克防閑妻妾苛嚴世謂如為李益疾 小凡幾而休戚之情之於莫奸佞

閃榆 表異錄古雋曰閃榆傾佞之貌

驕矜

呂鉅 莊子二命而呂鉅註驕矜貌

風致

波峭 齊東野語京師指人之有風致者曰波峭

媚好

詡畜 漢書張敞傳註北方謂媚好為詡畜

謹慎

將牢 丹鉛錄將牢猶俗言把穩

迂拙

方頭 輟耕錄俗謂不通時宜者為方頭陸魯望詩云

頭方不會王門事塵土空縑白紵衣

疎誕

儻蕩 表異錄陳湯儻蕩不自收斂按儻蕩亦作儻蕩
謂疎誕無檢也

欺謾

眠姪 便劣 方言楚郢謂欺謾為眠姪一日便劣

虛偽

何樓 劉貢父詩話世語虛偽為何樓蓋國初京師有

何家樓其下賣物皆行濫物非沽濫稱也

糊塗

冬烘 避暑錄話唐人言冬烘是不了了之語故有主

司頭腦太冬烘之言

噎塞

陰喝 後漢書竇憲奪公主園田帝出過園以問憲憲
陰喝不得對註猶噎塞也

奔競

望火馬 日遊神 編珠集嘉祐中未有謁禁士人爭

馳騫請託有一人號望火馬有一人號日遊神言日

夜奔競也

逐羶 王禹偁詩逐羶甚蚍蜉鬪雞同熠燿

貪婪

賒賸 表異錄賒賸貪財之貌

事物異名錄

卷十三

七

大量

海涵 蘇軾湖州謝上表海涵萬族

淺見

管窺 蠡測 漢書東方朔傳語曰以管窺天以蠡測海以筵撞鐘豈能通其條貫考其文理發其音聲哉
隙觀 蘇軾超然臺記如隙中之觀鬪又烏知勝負之所在

失志

軾軻 正字通人失志曰軾軻楚辭作坳軻別作坎珂
事無定見

首鼠 史記灌夫傳田蚡曰與長孺共一老秃翁何為

首鼠兩端註首鼠一前一却也

兩墮 後漢單超傳唐衡封侯轉橫天下為之語曰唐兩墮註兩墮謂隨意所為不定也今人謂持兩端而任意為兩墮

事無瑕疵

沒包彈 野客叢書包拯為臺官嚴毅不恕朝列有過必須彈擊故言事無瑕疵者曰沒包彈

事不合格

杜撰 野客叢書杜默為詩多不合律故言事不合格者為杜撰

事相邂逅

豆湊 餘冬序錄事相邂逅俗謂之豆湊

睡

黑甜 冷齋詩話南人謂睡美為黑甜東坡詩一枕黑甜餘

黃嬾 歲時風土記唐人呼晝睡為黃嬾

攤飯 陸游詩攤飯橫眠夢蝶牀註太白以午睡為攤飯

華胥調 混沌譜 仙佛竒踪陳搏居華山有一客過

訪適值其睡旁有一異人聽其息聲以黑筆記之客怪而問之其人曰此先生華胥調混沌譜也又清異錄寇先生睡中有樂乃華胥調雙門曲也 睡聲

吟嚶 列子睡中吟嚶呻呼按吟嚶睡語也丹鉛錄作

吟嚶 睡語

揖

肅拜 周禮太祝辨九拜九曰肅拜註但俯下手今時揖是也

叉手 增韻俗呼拱手 叉手柳宗元詩入郡腰常折逢人手盡叉

跪

張登 方言跪謂之張登註今東郡人亦呼長跽為張登又立也玉篇拜也

捏骨地 正字通契丹言捏骨地者即跪也

叩頭

自搏 表異錄趙熹為從兄報仇值其病釋之仇皆卧
自搏註叩頭也

言

心聲 揚子法言言心聲也

善談

炙輠 史記荀卿傳註輠者車之盛膏器也炙之雖盡
猶有餘流言淳于髡智不盡如炙輠也

懸河 晉書郭象傳王衍每云聽象語如懸河瀉水而
不竭

久談

蟬連 葉夢得詩正愛蟬連語未休

詳言

羅縷 康樂詩羅縷豈闕辭窈窕究天人又羅一作麗

戲言

俳詼 歐陽修詩如棄正論求俳詼

褻語

撒園葵 湘山集園葵即胡葵世傳布種時口褻語則
其生滋盛故士大夫以穉以為撒園葵

拙語

椎儲 前漢周勃傳其椎少文註應劭曰今俗名拙語
為椎儲

改言

雌黃 世說王衍與人言事輒更改人謂口有雌黃蓋古人以黃紙書字有誤則以雌黃抹之故云

矛盾 字典言不相副曰矛盾說見韓非子

背誓

寒盟 左傳吳子使太宰嚭請尋盟公使子貢對曰若可尋也亦可寒也

附會

最殘 字典穿鑿附會謂之最殘王充論衡最殘滿車不成為道

口吃

期期 艾艾 漢書周昌傳昌口吃嘗廷爭曰臣期期不奉詔又世說鄧艾口吃語稱艾艾

詢諒 正字通俗謂語不了曰詢諒文選曰蘇東陽

嘗食

染指 左傳鄭靈公食大夫黿名子公而弗與也子公怒染指於鼎嘗之而出

健食

肉磨 表異錄健啖者謂之肉磨 蘇軾老饕賦蓋聚物之天美以供吾之老饕

開葷

解菜 野客叢書今人久茹素而其親若鄰設酒肴之

具以相煖熱名曰開葦於理合曰開素此風已見六朝觀東昏侯喪潘妃之女陶豎共營殺羞云為天解菜正其義也

穿空書敘指南着破衣曰穿空

瘳瘳

韓偓詩瘳瘳餘寒酒半醒

凍裂

皸瘃

漢書趙充國傳手足皸瘃

正字通今俗呼足跟凍瘃曰龍瘃

效顰

莊子西子病心而顰其里之醜人見而美之歸亦捧心而效其顰富人見之閉門而不出貧人見之挈妻子而去之按顰與顰同

非人

漢書微反唇註師古曰蓋非之

譽人

山堂肆考項斯江東人楊祭酒簡愛斯才贈以詩曰平生不解藏人善到處相逢說項斯

慕人

唐書韓愈贊學者仰之如泰山北斗

葵傾

曹植求通親親表若葵藿之傾太陽

識韓 李白與韓朝宗書生不願封萬戶侯但願一識

韓荆州

撫育人

卯翼 左傳子西曰白公勝如卯子翼而長之註今撫

育人卯翼言如鳥孚卵也

德憑人

食閭 方言凡已不欲喜怒而旁人說之怒之謂之食

閭或謂之德憑

客至

左顧 漢書淮南憲王傳子高幸左顧存恤註左顧猶

言枉顧

孫鳥囉 雞林類事方言客至曰孫鳥囉

來况 相如子虛賦足下不遠千里來况齊國按來况

猶言臨訪也

留客

投轄 漢書陳遵傳遵每大飲賓客輒閉門取客車轄

投井中

送別

歌驪 大戴禮驪駒逸詩客欲去歌之

折柳 三輔黃圖霸橋在長安東跨水作橋漢人送客

至此橋折柳贈別

分袂 拾遺記蕭鳳使玉門關頻勸酒謂兄曰醉中庶

事物異名錄

卷十三

三

分袂不悲

治裝

行李 泊宅編李理義通人將有行必先治裝如孟子
之言治任理亦治也又懶真子據左傳註以為使人
也

辦嚴 野客叢書明帝諱莊以辦裝為辦嚴

啟行

發軔 正字通啟行曰發軔楚辭朝發軔兮天津

行旅

棲屑 後魏裴安傳京師遼遠實憚棲屑按棲屑往來

貌

萍浮 山堂肆考鄭康成萍浮南北

蓬轉 梗泛 曹丕詩轉蓬離本根飄颻隨風翔又唐

詩恹惶勞梗泛

遊覽

相羊 離騷聊逍遙以相羊按相羊猶彷徨也或作相

徉或作倡佯

濟勝 世說許椽好遊山水而體便登陟時人云許有

濟勝之具

散步

消搖 瑯嬛記古之老人飯後必散步搖動其身故後
人以散步為消搖

寄書

緘愁 山堂肆考凡人寄書而言相思之苦謂之緘愁

遠回

拜家慶 敖器之詩話唐人與親別而復歸謂之拜家慶孟浩然詩云明朝拜家慶須着老萊衣

餽物

獻芹 嵇康與山巨源書野人有快炙背而美芹子者欲獻之至尊雖有區區之意亦已疎矣

辭餽

反璧 左傳重耳及曹僖負羈饋盤飧寘璧焉公子受

殮反璧

遣謝

送敬 後漢周燮傳安帝以元纁羔幣聘燮燮因自載到穎川陽城遣生送敬遂辭疾而歸註送敬猶致謝也

乖違

舛午 漢書劉向傳朝廷舛午膠戾乖刺註言志意不和各相違背也

勃谿 莊子室無空虛則婦姑勃谿註勃怒也谿反戾也

爭鬪

蠻觸 莊子有國於蝸之左角者曰蠻氏國於蝸之右

角者曰觸氏爭地而戰伏尸數萬

詰責

鑄譙

表異錄柳文鑄譙四至音煎嚼詰責也

請罪

銜塊 唐書元宗紀貴妃銜塊請死按銜塊猶今言負

荆謂請罪也

訓學

舌耕 漢書賈逵傳門生來學獻粟盈倉或云逵非力

耕乃舌耕也

筆削

圖乙 表異錄歐陽文忠詩補亡後序云增損圖乙圖

者塗抹也乙者勾止也乙字義見東方朔傳

潤筆

心織 筆耕 雲仙雜記王勃所至請託為文金帛盈

積人謂心織筆耕又傭書亦謂之筆耕

求知

鑽具 野客叢書漢書載賓戲曰商鞅挾三術而鑽孝

公鑽者取必入之義今人懷所製求上官知者目曰

鑽具正此意也

銜才

技癢 風俗通高漸離變姓易名為庸保久之聞其家

堂上有客擊筑技癢不能無出言

虛名

白望 山堂肆考白望猶虛名也

自謙

下走 漢書蕭望之傳下走將歸延陵之臯註下走者

白謙言趨走之役也

入學

采芹 詩思樂泮水薄采其芹按王制諸侯學曰泮宮

故人學為采芹也

薦舉

推轂 史記鄭當時推轂士及官屬丞史有味乎其言

之

先容 漢書鄒陽傳蟠木根柢輪困離奇為萬乘器者

以左右先為之容也

先游 表異錄先游介紹也猶言先容

入仕

釋褐 解褐 晉書刁協傳協釋褐濮陽王文學累轉

太常博士又南史梁高祖紀詔年未三十不通一經

不得解褐

牽絲 西溪叢語謝靈運詩牽絲及元興解龜在景平

李善云牽絲初仕解龜去官也

解薛 山堂肆考入仕曰解薛唐詩解薛登天朝

除授

鶯遷 山堂肆考詩出自幽谷遷於喬木後世賀遷除者皆曰鶯遷

披雲宴 元史朝官獲美除者寮友設酒於披雲樓以為賀因名披雲宴六部得堂署則爭相餽遺謂之烘堂賀宴

泣任

下車 李白上韓荊州書王子師為豫州未下車即辟荀慈明既下車又辟孔文舉

施惠

有脚陽春 唐書廣人為宋璟立遺愛頌人謂璟為有脚陽春 脚陽春

尸位

荒飽 枝官 表異錄書云尸位詩曰素餐商君謂之荒飽吳起謂之枝官

貪贓

簠簋不飾 漢書賈誼傳古大臣有坐不廉而廢者不謂不廉曰簠簋不飾

降秩

左遷 漢書師古註漢時依古法朝廷之列以右為尊故謂降秩為左遷諸侯官為左官

鐫級 正字通中外官降級曰鐫級

滿任

及瓜 左傳齊侯使連稱管至父戍葵邱瓜期而往曰

及瓜而代

告假

休沐 下沐 旬休 漢官儀五日一假洗沐亦曰休

沐又字典一曰下沐一曰旬休

致仕

懸車 山堂肆考漢薛廣德乞骸骨上賜安車駟馬東

歸廣德乃懸所賜車傳之子孫

投簪 山堂肆考梁陶宏景投簪高邁亦曰抽簪按簪

筭也所以持冠者

遺榮 山堂肆考致仕而歸隱謂之遺榮

解龜 西溪叢語解龜去官也詳見前人仕

解組 全唐詩話賀知章上表乞還鄉里御製送詩并

序云太子賓客賀知章鑿止足之分抗歸老之疏解

組辭榮志期入道

謝政 正字通致仕曰謝政曲禮大夫七十而致仕若

不得謝必賜之几杖註君不許其致仕也

釋綬 曹植表解璽釋綬又曰投綬亦曰解綬

遂初 李白送賀監歸鏡湖詩得辭榮祿遂初衣

養親

反哺 白居易詩何時能反哺供養白頭烏

娛親

戲綵 高士傳老萊子七十衣五綵衣為嬰兒戲匍匐於父母前

友愛

共被 後漢書姜肱兄弟共被而寢友愛天至

讓棗 推梨 梁武帝與弟武陵王書讓棗推梨長罷

歡愉之日

兄弟不協

闕墻 詩兄弟闕於墻

參商 李白詩交柯之木本同形東枝樵悴西枝榮無心之物尚如此參商胡乃尋天兵按參商本左傳高辛二子事謂兄弟不相能也

懼內

落杖 東坡集陳季常妻柳氏頗悍季常畏之至或詬

罵聲達於外東坡以詩戲之有云忽聞河東獅子吼

柱杖落手心茫然

夫妻不和

反目 易夫妻反目不能正室也

竊人妻女

捲伴 桂海虞衡志南州法度疎畧婚姻不正村落強暴竊人妻女以逃轉移他所安居自若謂之捲伴言捲以為伴侶也

喪妻

鼓盆 莊子莊子妻死惠子弔之莊子則方箕踞鼓盆而歌

斷絃 山堂肆考世俗夫喪妻者曰斷絃言如琴瑟之斷其絃也復娶者謂之續絃

悼亡 潘岳悼亡詩如彼翰林鳥同棲一朝隻如彼遊川魚比目中路折

抱小兒

負劍 禮記負劍辟咎註負謂置於背劍謂挾於旁疏兒在背上曰負兒在懷中亦稱負謂兒負之

擁樹面 漢書蘇林註南方人謂抱小兒為擁樹面者以面首向臨之也

愛兒

舐犢 後漢楊彪傳曹操見彪問曰公何瘦之甚對曰愧無日磹先見之明猶懷老牛舐犢之愛操為之改容

喪子

喪明 禮記子夏喪其子而喪其明 病痊

平復 漢書王褒傳太子體不安詔使褒等之太子宮虞侍太子疾平復乃歸

安穀 表異錄病而能食曰安穀出淳于意傳 壽終

考終命 書洪範五福曰考終命

苦葢

屋龍更衣 十二賢廬山記饒子卿隱廬山無瓦屋代以茅茨每年易一茅謂之屋龍更衣

糊窻

泥窻 老學菴筆記蜀人謂糊窻為泥窻花蕊夫人宮

詞紅錦泥窻透四廊

叩門

剝啄 韓愈詩剝啄剝啄有客叩門

賀入宅

煖屋 輟耕錄今之入宅與遷居者鄰里釀金治具過

主人飲謂之煖屋或曰煖房

不潔

麀糟 輟耕錄俗語以不潔為麀糟按霍去病傳以世

俗謂盡死殺人為麀糟然義雖不同却有所出

種物

坎豆 王阮詩註楚語以種物為坎豆詳見前勤勞

折花

拘花 輟耕錄南方或謂折花為拘花唐元微之詩試

問酒旗歌板地今朝誰是拘花人

接樹

騙樹 正字通接樹曰騙樹月令廣義有騙樹法

借錢

便錢 表異錄俗謂借錢為便錢

齊力

邪許 淮南子舉大木者前邪許後亦應之此舉重勸力之歌也

王國精錄禁語以蘇... 齊力... 邪許... 淮南子舉大木者前邪許後亦應之此舉重勸力之歌也

